

Aire Indarreko buruen % 81 Armada profesionalaren alde

Inkesta batek militarren herenak lanbidea utziko lukeela erakutsi du

Espainiako Armada erabat profesionala izatea nahi dute Aire Armadako buru gehienak. Profesional hauen artean egindako inkestak erakusten duenez, Aire Armadako buruen % 16k besterik ez du onesten gaur egungo soldadutza sistema eta % 81ek Armadaren profesionalizazio osoa nahi du.

Armada profesionalaren aldeko iritziaz gain, Lur Armadako Aireko 7.060 buruen artean —buru guztien % 70— egindako inkestak Armadako sail honek bizi duen krisia erakusten du. Inkestatuen % 35ek auzeraz izanez gero ez luke berriz piloto militarren karrerarik egingo eta % 26 bakarrik dago pozik duen lanbidearekin. Damu honen arrazoirik argiena militarrek jasotzen dituzten soldadak dira. Aire Armadako pilotuek nahiago dute konpainia zibiletan lan egitea, azken hauetan askoz diru gehiago jasotzen dutelako. Armada uzteko arrazoi ekonomikoak argudiatzen dituzten % 73z gain, inkestatuen % 19k ilusio faltari leporatzen dio urtetik urtera gero eta pilotu gehiagok Armada uzteari.

Ikusten denez, Aireko Armadakoak ez daude oso harro bere militar izaerarekin. Inkestararen arabera, % 68k ez dagoela pozik onartzen du eta % 32 soilik dago gustora Armadaren barruan. Horrek badu zerikusirik Akademia Militarretan jasotako formakuntzarekin, pilotuen % 78 «guztiz zaharkitua eta baliorik gabekoa izan zela» uste bait du.

Gizarte zibilak Armadari buruz duen iritzia asko kezkatzen ditu



Espainiako militarrek Armada profesionala nahiago dute.

CACHO

✓ Inkestatuen % 85ek gizartearen guztiz integraturik dagoela esaten badu ere, gehiengoak uste du, militar izateak onespenez sozial gutxi ematen duela.

Aire Armadako profesionalak. Inkestatuen % 85 gizartearen guztiz integraturik dagoela esaten badu ere, gehiengoak militar izateak onspenez

sozial gutxi ematen duela uste du. Uniformeari dagokionez, pilotu militarren hiru laurdenek, beti ere inkestari jarraituz, gustora eramaten dutela diote. Beste laurdenak, sekula eramaten ez duela onartzen du, «jendea ez zaiolako gustatzen».

Inkestan ere ikusten da, militar profesionalak beren munduan sartuta bizi direla. Aire Armadako kideen artean, harremanetara mugatu izan da inkesta egin zutenen % 24 eta beste guztiek militarrekin harreman sakonagoak izan dituztela antzematzen da.

Pacheco ez da andaluzisten lehendakaritzara aurkeztuko

SEVILLA

Pedro Pacheco ez da Partido Andalucistaren (PA) lehendakaritzara aurkeztuko, bihar hasiko den kongresurako hautagaitza atzera bota ondoren. Jerezeko (Cadiz) alkatearen ezezkoari esker, Alejandro Rojas Marcos bere etsaia eskuratuko du alderdi nazionalista andaluziarreko lehendakaritza. Pachecok alderdia utz dezakeela iragarri zuen atzo, kongresuaren emaitzak bere gustokoak ez badira. Kongresuan agertuko ez dela esan zuen PAko lehendakari ohiak eta zuzendari-tzarekin izandako harremanak «gatazkatsuak» izan zirela adierazi zuen Eferekin izandako elkarriketan.

PAren hauteskuntetarako euskarria den Pachecok laguntza gutxi jaso ditu bere alderdiko lehendakaritzarako hautagaitza aurkeztu zuenetik. Andaluziak dituen zortzi probintziako ordezkarietatik, bi soilik —Cadiz eta Huelva— agertu ziren Pachecoren alde. Galtzaile irtengo zela



Pedro Pacheco.

ikusirik, Cadizeko ordezkariak bere zerrenda atzera botatzea eskatu zioten Jerezeko alkateari, «alderdia ez zatitzeko».

Alderdiarekin mantentzen dituen desberdintasunak maiatzaren areagotu ziren, Rojas Marcosek Sevillako alkatezta lortzeko PPrekin akordioa iristean.

Frantziak elikagaiak emango dizkio SESBi petrolioaren truke

PARISE

Frantziak elikagaiak bidaliko dizkio Soviet Batasunari petrolio eta gasaren truke. Joan den ostegunean hartu zuten erabakia Edith Cresson lehen ministro frantziarra eta Chumakov Sobiet Batasunako Kanpo Harreman Ekonomikoetarako ministroordeak. Hurrengo asteartean, trukea egingo duten enpresek jakitera eman zuten akordio ekonomikoaren

xehetasunen berri. Datorren urteko martxoak 31 baino lehen, Frantziak 100.000 tona haragi, 100.000 tona azukre, 20.000 tona esne-hautsa eta 7.000 tona ume-janari bidaliko ditu Soviet Batasunera. Horren ordainez, frantziarrek miloi bat tona petrolio, 500.000 tona fuel-oil eta 1.500 miloi metro kubiko gas jasoko ditu. Sovietarrek 1992ko azaroa eta 1993ko urriaren artean igorriko dituzte erregaiak.

Frantziar Administrazio Eskola Strasbourgora eramango daiteke


A.S. / BAIONA

Parisen gaur bilduko den Lurralde Antolakuntzarako Ministeritzaren Arteko Batzordeak ohizkoa ez den erabakia har dezake frantziar administrazio sailari dagokionez. Izan ere, Edith Cresson gobernuaren inguruan elkartuko diren ministroek erabakiko dute zein tokitan jarriko den hemendik aurrera Administrazio Eskola Nazionala (ENA). Gaur egun Parisen kokatua den ENAtik irteten dira Frantziako goi mailako funtzionari guztiak, enbaxadoreak baita ere politikari gehienak. Erran daiteke zinez Administrazio Eskola Nazional hau frantziar jakobino sistemaren lekuko nabarietarik dela eta honek du hain zuzen ere erabaki honen ezustea sortzen.

Frantziako agintarien asmoa litzateke deserdiratze prozesuari bultzada berri bat ematea administrazio eta enpresa nazional handi batzuk erregioetan kokatuz. ENA norat ere-

mango duten ofizialki ez jakina izan arren, frantses gobernutik hurbil dauden argibide iturri batzuek Strasbourg hirian jar litekeela aipatzen zuten. Jadanik ere Alsaziako hiriburuak garrantzi handia dauka Frantziako politika munduan, bertan aurkitzen bait da gaur egun Europako Legebiltzarra. Hain zuzen ere Parlamentu honen gerorako kokalekua izatea galdu egin baleza Strasbourg ordezkatzeko zerbait eskaini lezake ENAren jarpenak. Alabaina, erabaki honek haserrea sor lezake goi administrazio hainbat arduradunen artean, hauek ez bait dute begi onez ikusiko Strasbourg joan beharra, bertan izango diren ENAko ikasleen formakuntza zuzentzeko.

Parisetik joatearen kasuan, Administrazio Eskola Nazionalaren egoitzak salgai ezarriko dira eta salneurriek sekulako gorakada izango dutela diote, hau da 100.000 libera (1.800.000 pezeta inguru) metro karratuko.



Parisetik Strasburgera eramango dute Administrazio Eskola.

AIOR BAYO

Legena 2000 urterako desagertuta egongo da Espainian

MADRID

2000 urterako Espainian legenik egongo ez dela ziurtatu zuen atzo Fontilles (Alacant) legendunen ospitaleko zuzendaria den Terencio de las Aguasek. Mundu guztitik etorritako medikuen aurrean emandako hitzaldian, De la Aguas doktoreak legenak Espainian azken urteotan izandako bilakaera azaldu zuen. 1960ko hamarkadan urtero 200 eta 300 legendun berri agertzen baziren, gaur egun hamabost eta hogeite arteko kasu berri besterik ez daude. Bilakaerak horrela jarraituz gero, «datorren mende hasierarako legena erabat desagerturik izango da» esan zuen Fontilles ospitaleko buruak.

Gaur 3.500 legendun daude Espainian. Gaixotasuna higiene falta eta elikadura eskasak sortutakoa da eta immunoeskasia duten pertsonengan du eragina. Oraindik ez da legenen aurkako erabateko sendagairik aurkitu. India da legendun gehien dituen herrialdea.